

KONSEP KERASULAN MENURUT AGAMA YAHUDI DAN PANDANGAN ISLAM TERHADAPNYA

oleh

SAFIAH ABDUL RAZAK

Pengenalan

ARTIKEL ini akan membincangkan tentang konsep kerasulan menurut agama Yahudi khususnya dalam *Bible Perjanjian Lama* yang merupakan sumber rujukan penting agama Yahudi. Agama Yahudi turut mempercayai tentang kerasulan dan kenabian, malah keimanan kepada rasul menjadi salah satu tunggak akidah dan kepercayaannya. Ini kerana agama Yahudi juga pada asalnya adalah agama langit yang diturunkan Allah kepada Nabi Musa a.s. Cuma, setelah kewafatan Nabi Musa a.s., agama ini telah diselewengkan daripada ajaran sebenarnya.

Beberapa aspek perlu dibincangkan dalam rangka untuk memahami konsep kerasulan menurut agama Yahudi. Aspek-aspek tersebut meliputi penjelasan tentang asal usul perkataan nabi dan rasul, hakikat kerasulan menurut *Bible Perjanjian Lama*, hakikat wahyu dan penerimaan wahyu, keimanan terhadap rasul dan nabi menurut agama Yahudi dan analisis Islam terhadap konsep kerasulan agama Yahudi.

Asal-Usul Perkataan Nabi dan Rasul

Sebahagian sarjana perbandingan agama berpendapat bahawa perkataan *nabi* berasal daripada kata nama *Hebrew* yang boleh diterjemahkan sebagai *prophet* yang kemudiannya disesuaikan dengan bahasa-bahasa Eropah yang lain yang bermaksud 'Seseorang yang memberi ucapan atau tafsiran kepada suatu *oracle* yang dipercayai bukan lahir daripada pemikirannya, tetapi suatu revelasi dari luar'.¹

James Hasting, penulis artikel '*nabi*' dalam *Encyclopedia of Religion and Ethics* menyatakan bahawa perkataan '*nabi*' dalam bahasa Arab adalah perkataan pinjaman daripada bahasa *Hebrew*.²

Manakala Cornill pula menyatakan perkataan '*nabaa*' dalam bahasa Arab dan nabi bererti seorang jurucakap yang mempunyai authoriti atau mandat.³ Dalam menguatkan pandangannya, Cornill menyatakan bahawa tidak terdapat bentuk asal dalam bahasa *Hebrew* yang bersesuaian dengan perkataan '*nabi*'. Wellhaunsen pergi lebih jauh dari Cornill dengan berpendapat bahawa kenabian timbul di kalangan *Bani Israil* dalam masa huru-hara sebelum berlaku perang Palestin.⁴ Holsger dan Schmidt juga berpendapat bahawa perkataan *Nubuwwah* hanya digunakan oleh orang Yahudi selepas mereka menduduki Palestin.⁵

1 James Hasting, *Encyclopedia of Religion and Ethics*, Edinburgh: T & T Clarks, George Street, 1918, New York, hlm. 243.

2 *Ibid.*

3 *Ibid.*

4 *Ibid.*

5 Abbas Mahmud al-Iqad, *Haqaid al-Islam wa Abatil Khusumubi*, Beirut: Dar al-Katib al-Arabi, 1996, ed. 3, hlm. 91-92.

Pandangan Wellhausen, Holsger dan Schmidt memperlihatkan bahawa tiada perkataan '**nabi**' digunakan oleh orang Yahudi melainkan selepas Perang Palestin.⁶ Hal ini menunjukkan perkataan '**nabi**' bukan berasal daripada bahasa *Hebrew*. Rentetan daripada itu, kita cenderung memilih pandangan Cornill yang berpendapat bahawa perkataan '**nabi**' adalah berasal daripada perkataan Arab.

Sementara itu, belum terdapat pengkaji-pengkaji yang mengemukakan pendapat bahawa '**rasul**' bukan perkataan Arab. Perkataan '**rasul**' adalah perkataan Arab dengan kata jama'nya ialah *rusul*. Rasul disebut sebagai '**messenger**' atau '**apostle**' dalam bahasa Inggeris dan didapati bersesuaian dengan kesusasteraan Arab dengan pengertian *profane* yang bermaksud duta, utusan dan pesuruh (envoy and messenger).⁷

Berdasarkan pandangan dan bukti di atas, dapatlah kita simpulkan bahawa perkataan '**nabi**' dan '**rasul**' adalah berasal daripada perkataan Arab.

Hakikat Kerasulan Menurut Bible Perjanjian Lama

Untuk mendapat kefahaman tentang hakikat kerasulan menurut kepercayaan Yahudi Kini, terlebih dahulu penulis akan melihat dan meneliti lafaz '**nabi**' yang banyak digunakan dalam *Bible Perjanjian Lama*, khususnya *Gospel-Gospel* yang menyentuh tentang konsep kerasulan dalam agama Yahudi. Penggunaan kalimah '**nabi**' dalam *Bible Perjanjian Lama* adalah merangkumi nabi-nabi benar dan nabi palsu. Hal ini adalah berdasarkan kenyataan berikut (yang bermaksud):

"Hatiku berdebar-debar. Seluruh tulangku menggigil. Aku umpama manusia yang mabuk. Bagaikan lelaki yang dikuasai arak kerana mencintai Tuhan dan wahyu-Nya yang suci. Begitu juga kerana dunia dipenuhi oleh orang-orang yang fasik.... Aku dapati nabi-nabi di Samirah melakukan perbuatan-perbuatan yang bodoh. Mereka menyembah Tuhan Ba'al dan menyesatkan bangsaku. Aku turut melibat sesuatu yang memeranjatkan pada diri nabi-nabi Jerusalem apabila cara hidup mereka penuh dengan kepalsuan...." Tuhan tentera berkata begini: "Janganlah kamu mendengar kata-kata nabi yang menyeru kamu. Mereka ini akan menyesatkan kamu kerana mereka bercakap berdasarkan suara hati bukannya daripada wahyu Tuhan".⁸

Begini juga dalam kenyataan berikut, yang bermaksud:

*"Sekiranya muncul seorang **nabi** atau **balim** bersama-sama bukti atau keterangan yang benar-benar terjadi serta menyeru kamu menyembah Tuhan-tuhan lain, maka janganlah kamu mendengar seruan **nabi** atau **balim** itu. Sesungguhnya Tuhan kamu mahu menguji kamu untuk mengetahui apakah kamu mencintainya dengan seluruh hati kamu".⁹*

Penggunaan lafaz nabi itu juga turut digunakan atas nama berhala sepertimana dalam kenyataan berikut, yang bermaksud:

6 Perang Palestin adalah peperangan yang terjadi antara orang Yahudi dan orang Romawi sebelum Islam.

7 Mircea Eliade, *Encyclopedia of Religion*, New York: McMillan Publishing Company, 1987, hlm. 513.

8 The Holy Bible (Old Testament) : 23:9-14.

9 The Holy Bible (Old Testament) Deuteronomy : 13:1-3.

“....seramai empat ratus lima puluh orang Nabi Ba'al dan seramai empat ratus orang Nabi Sawari yang berkhidmat kepada raja Isabella ditentang oleh Nabi Ilyas di Bukit Karmel”.¹⁰

Begitu juga dalam kenyataan berikut, yang bermaksud:

“Nabi Jeremiah berkata: “Para pendeta tidak bertanya di manakah Tuhan? Ahli syariat tidak mengenaliku. Para penternak menentangku, sementara nabi-nabi bercakap atas nama Tuhan Ba'al dan melakukan perkara-perkara yang tidak berfaedah”.¹¹

Hal ini dijelaskan lagi oleh Profesor Erik William Heaton, pensyarah pengajian *Bible Perjanjian Lama* di Universiti Oxford. Menurut beliau, lafaz atau kalimah nabi dalam *Bible Perjanjian Lama* digunakan dengan begitu meluas. Di samping digunakan kepada nabi-nabi benar, ia turut digunakan kepada nabi-nabi palsu dan nabi-nabi penyembah berhala. Menurut beliau lagi, penggunaan ini menunjukkan wujudnya sebilangan besar nabi-nabi palsu dalam masyarakat *Bani Israil* atau *Yahudi* terutamanya pada abad ke-8 dan ke-9 S.M.¹²

Abbas Mahmud al-Iqad pula mengulas dengan mengatakan bahawa kemunculan ramai nabi di kalangan *Bani Israil* bukanlah suatu perkara yang asing dan pelik. Jarak pengutusan seseorang nabi dengan seorang nabi yang lain tidak diselangai dengan masa yang panjang, malah kadang-kadang hampir empat ratus orang nabi diutus dalam satu masa.¹³

Berdasarkan keterangan dan huraian di atas dapat dirumuskan bahawa penggunaan lafaz nabi dalam *Bible Perjanjian Lama* adalah sangat luas dan umum. Penggunaan itu turut digunakan kepada nabi-nabi palsu dan nabi-nabi yang menyembah berhala seperti Tuhan *Ba'al* dan Tuhan *Sawari*. Walaupun begitu, dapat dirumuskan bahawa istilah nabi secara umum dirujuk kepada nabi-nabi yang diutus oleh Allah, nabi-nabi palsu dan nabi-nabi penyembah berhala. Penggunaan istilah ini turut digunakan secara luas oleh sarjana Barat dalam merujuk kepada pembawa agama sama ada *Samawi*, *Wad'i* mahupun ajaran sesat.

Wahyu dan Cara Penerimaan Wahyu Menurut Agama Yahudi

Penjelasan tentang cara penerimaan wahyu menurut pegangan Yahudi akan memberikan gambaran yang lebih mendalam tentang hakikat kerasulan menurut kepercayaan Yahudi.

Agama Yahudi dan pengikutnya turut mempercayai tentang wahyu dan penerimaan wahyu. Menurut kepercayaan Yahudi, wahyu terbahagi kepada beberapa jenis iaitu:

- (i) *Wahyu* - Wahyu terbahagi kepada dua bahagian iaitu wahyu *al-Manam* (melalui mimpi) dan wahyu *al-Yaqazah* (keadaan tidak sedar yang menimpa seseorang nabi ketika turunnya wahyu).¹⁴

Contoh bagi wahyu *al-Manam* dapat diperhatikan daripada kenyataan *Bible Perjanjian Lama* seperti berikut:

10 The Holy Bible (Old Testament) I King 18 : 19 dan II King 3 : 9,10,13.

11 Jeremiah 2: 8.

12 Ahmad Abdul Wahab, *Al-Nubuwwah Wa al-Anbiya Fi al-Yahudiyyah wa al-Masihyyah Wa al-Islam*, Kaherah: Maktabah Wahbah, 1979, cet. 1 hlm. 13.

13 Abbas Mahmud al-Iqad, *Abqariyah al-Masih fi al-Tarikh wa al-Kusyuf al-'Asr al-Hadith*, Maktabah al-'Asriyyah, Beirut, t.t. hlm. 36.

14 Imam Fakhruddin al-Razi, *al-Nubuwwat wa ma Yataallaqu biha*, Tahqiqi oleh Dr. Ahmad Hijazi al-Saqa, Dar al-Muyassarrah, Beirut, t.t. hlm. 13.

*“Seandainya seseorang daripada kamu dilantik menjadi nabi, dia akan dilantik melalui mimpi, aku akan berbicara dengannya dalam mimpinya”.*¹⁵

Sementara contoh bagi wahyu *al-Yaqazah* adalah seperti berikut:

*“Aku melibat satu gambaran. Kawan-kawan yang ada bersamaku tidak dapat melibatnya. Aku dapati kawan-kawanku menggigil dan mereka lari untuk menyembunyikan diri. Aku tinggal seorang dan melibat gambaran yang agung itu...”*¹⁶

- (ii) Percakapan di *Sebalik Tabir* - Hal ini dijelaskan melalui wahyu yang diturunkan kepada Nabi Musa a.s. Allah telah bercakap dengannya dan memberikan wasiat sepuluh (*Ten Commendments*) dan syariat-syariat lainnya.
- (iii) *Perutusan Rasul* - Perutusan seseorang Rasul kepada golongan tertentu dengan membawa risalah yang tertentu. Misalnya perutusan Nabi Yunus kepada penduduk Ninui.¹⁷

Agama Yahudi mempercayai bahawa terdapat beberapa cara untuk mendapatkan wahyu dan meramalkan peristiwa-peristiwa yang akan terjadi. Antaranya membaca ramalan dan mencabut undian nasib. Misalnya apa yang dilakukan oleh Talut (Saul) ketika menggunakan *Uriyam* dan *Thamim*¹⁸ untuk mendapatkan wahyu Allah sepertimana dalam perenggan di bawah, yang bermaksud:

*“Talut berkata kepada Tuhan Israil, kenapakah engkau tidak menyahut seruan hambamu bari ini. Sekiranya aku dan anakku, Yunathan berdosa, berilah Uriyam dan sekiranya Bani Israil yang bersalah, berilah Thamim”.*¹⁹

Penerimaan wahyu turut dihubungkan dengan mabuk arak dan muzik. Hal ini dapat difahami daripada kenyataan-kenyataan berikut, yang bermaksud:

*“Mereka banyut bersama arak dan mabuk. Para pendeta dan nabi asyik dan tenggelam bersama-sama kemabukan arak di samping menggunakan muzik sebagai cara untuk mendapat wahyu.”*²⁰

Wahyu kenabian juga dikaitkan dengan hilang akal atau gila. Hal ini dapat diperhatikan dalam fasa berikut, yang bermaksud:

*“Sesungguhnya Tuhanmu telah melantikmu sebagai pendeta menggantikan pendeta YahwaYada’, sebagai wakil Tuhan di rumah Tuhan bagi semua lelaki gila yang menerima wahyu kenabian”.*²¹

Wahyu kenabian seterusnya dihubungkan dengan perbuatan mendedahkan aurat. Dengan perkataan lain mendedahkan aurat merupakan salah satu cara untuk mendapat wahyu. Keadaan ini digambarkan dalam *Bible Perjanjian Lama* seperti berikut, yang bermaksud:

16 Danial: 7-8.

17 Imam Fakhruddin al-Razi, *op. cit.*, hlm. 14.

18 Uriyam dan Thamim berkemungkinan adalah sejenis batu bernombor yang digunakan dalam undian.

19 I Samuel 6: 12.

20 Isaniah: 28: 7.

21 Jeremiah 29: 26 (lihat juga Hosea 9:7, I Samuel 19: 23-24 dan Zechariah 13: 1-6).

"Talut telah pergi ke daerah Nayut di kota Ramah. Pada waktu itu, roh Tuhan bertempat dalam dirinya. Talut berjalan sambil memberi nasihat sehingga tiba di Nayut. Talut kemudiannya menanggalkan pakaian sambil memberi nasihat di hadapan Nabi Samuel....".²²

Seterusnya menurut kepercayaan agama Yahudi lagi, untuk mendapat wahyu, nabi-nabi Bani Israil mestilah memakan bahan kotor. Hal ini dapat dilihat dalam kenyataan Bible Perjanjian Lama seperti berikut, yang bermaksud:

"Ambillah gandum jelai, kacang merah, kacang merah kecil, jawan dan seko. Letakkan semuanya dalam satu bekas masaklah bahan itu menjadi roti bagimu dan makanlah sambil mengiring selama 390 hari.... Makanlah roti itu seperti roti jelai yang bundar dan engkau harus membakarnya di atas najis manusia yang sudah kering di hadapan kaummu. Begitulah Bani Israil yang akan memakan roti mereka yang bernajis di kalangan bangsa-bangsa yang menguasai mereka".²³

Kenabian juga dikaitkan dengan kegiatan zina misalnya dalam keterangan Bible Perjanjian Lama seperti berikut, yang bermaksud:

"Perintah Tuhan yang pertama yang diturunkan kepada Nabi Hosea. 'Pergilah dan berzinalah dengan perempuan lacur dan hasilkan anak-anak zina kerana bumi ini berzina. Hosea segera akur dan melakukan zina dengan Jumar binti Dablayim....'.²⁴

Berdasarkan huraian dan keterangan di atas, dapatlah dirumuskan bahawa kenabian dan wahyu menurut kepercayaan agama Yahudi dikaitkan dengan sifat-sifat negatif dan tidak berakhlak seperti minum arak, mendedahkan aurat, hilang akal, dan perbuatan zina. Hal ini adalah tidak bersesuaian dengan akal yang waras apalagi untuk mengatakan kitab suci mereka datang daripada sisi Allah sebagai syariat untuk menyusun atur kehidupan manusia.

Keimanan Yahudi Terhadap Kerasulan

Keimanan kepada rasul dan nabi merupakan salah satu asas akidah dalam agama Yahudi. Kepercayaan dan pegangan mereka adalah berasaskan ciri-ciri rasul seperti berikut:

(i) Rasul dan nabi dipilih oleh Allah

Orang-orang Yahudi mengakui dan mempercayai bahawa rasul dan nabi adalah dipilih oleh Allah. Menurut Musa bin Maimun²⁵ salah seorang ulama Yahudi yang masyhur dengan bukunya *'Dilalah al-Hairin'*, Allah memilih rasul dan nabi tanpa membeza-bezakan sama

22 I Samuel 20: 2-4.

23 Ezekial 4: 9-15

24 Hosea 4: 9-15.

25 Beliau adalah cucu kepada pendita Yahuza Hasani, pengasas Mishna. Beliau dilahirkan di Bandar Cordova pada 30 Mac 1135M. Pernah menjadi ketua di Masjid Cordova. Pada usia dua puluh tiga tahun beliau telah menulis syarah bagi Mishna. Beliau mengajar ilmu-ilmu tentang agama Yahudi, Perubatan dan Riadhah. Dikenali dengan gelaran 'Abu Imran' di kalangan bangsa Arab. Musa ibn Maimum meninggal dunia pada tahun 2004M ketika berusia tujuh puluh tahun. (Dipetik daripada Rauf Syalabi, *al-Tafkir al-Dini Qabla al-Islam, Dar al-Thaqafah*, t.t., hlm. 233).

ada dia seorang yang berilmu atau jahil, muda ataupun tua. Allah memilih hamba-hamba-Nya yang mempunyai akhlak yang baik dan luhur.²⁶

Daripada huraian dan keterangan di atas menunjukkan bahawa orang-orang Yahudi mempercayai bahawa para nabi dan rasul adalah dipilih dan dilantik oleh Allah. Hanya Allah yang berhak menentukan siapakah hamba-hamba-Nya yang layak menjadi rasul. Namun begitu dalam masa yang sama mereka seolah-olah menerima satu konsep bahawa tugas kerasulan dan kenabian itu adalah sesuatu yang boleh dicapai dengan usaha.

Menurut Muhammad Rasyid Redha, kebanyakan nabi-nabi *Bani Israil* belajar di madrasah-madrasah yang khusus untuk mereka. Di sana mereka mempelajari dan mentafsir syariat Taurat di samping belajar muzik dan syair. Nabi-nabi *Bani Israil* sekaligus adalah penyair, penyanyi dan orang yang mahir menggunakan gendang. Mereka mampu mencipta syair-syair yang syahdu sehingga menimbulkan perasaan sayu kepada orang yang mendengarnya. Menurut beliau lagi, disebabkan kurang perhatian terhadap masalah agama dan ilmu, *Nabi Samuel* telah membina sebuah madrasah di bandar **Ramah**. Pelajar-pelajarnya dinamakan '**anak-anak nabi**'. Di samping itu, beberapa buah madrasah turut diasaskan di tempat lain seperti di *Bait Il* dan *Uriha*.²⁷

Keterangan di atas membuktikan bahawa ilmu kenabian ini boleh dipelajari. Ia sekaligus menunjukkan bahawa ilmu kenabian ini boleh dimiliki oleh sesiapa sahaja. Pemilihan nabi dan rasul bukan terletak secara mutlak di tangan Allah, malah manusia berkuasa menentukan siapa yang berhak menjadi nabi-nabi mereka.

(ii) **Nabi Musa adalah nabi yang teragung dan syariatnya syariat terakhir**

Agama Yahudi menganggap syariat Nabi Musa a.s. merupakan syariat yang akhir dan berkekalan. Menurut kepercayaan orang-orang Yahudi, Nabi Musa a.s. adalah nabi yang paling agung dan pembawa syariat yang terakhir. Hal ini dapat difahami melalui keterangan daripada Rukun Iman Yahudi yang disusun Musa bin Maimun pada abad kedua belas Masehi.²⁸

Kandungan rukun iman tersebut adalah seperti berikut:

- (a) Beriman bahawa Allah Maha Pencipta dan Maha Agung.
- (b) Beriman bahawa Allah Maha Esa.
- (c) Beriman bahawa Allah Tidak Berjism.
- (d) Beriman bahawa Allah Kekal Abadi.
- (e) Beriman bahawa hanya Allah Sumber Keadilan Yang Tunggal.
- (f) Beriman dengan semua sabda nabi-nabi.
- (g) Beriman bahawa Nabi Musa, nabi yang agung.
- (h) Beriman dengan segala hukum-hukum yang diturunkan kepada Nabi Musa.

26 Penulis tidak dapat menemui buku tersebut. Kenyataan ini penulis petik daripada Imam Fakhruddin al-Razi, op.cit., hlm. 19.

27 Muhammad Rasyid Redha, *al-Wabyu al-Muhammady*, Matba'ah al-Zahra li al-Aalam al-'Arabi, cet. 1, Kaherah, hlm. 272 (Pandangan beliau ini hanyalah ulasan daripada apa yang difahami dalam Bible Perjanjian Lama)

28 Rauf Syalabi, op.cit., hlm. 234.

- (i) Beriman bahawa hukum-hukum di atas tidak pernah berubah.
- (j) Beriman bahawa Allah Maha Tinggi.
- (k) Beriman dengan wujudnya balasan baik dan balasan buruk.
- (l) Beriman dengan kedatangan *Messiah* (Penyelamat).
- (m) Beriman dengan Hari Kebangkitan.

Menurut kepercayaan mereka lagi, nabi-nabi yang diutuskan sebelum Nabi Musa a.s. bukanlah nabi-nabi yang membawa syariat. Nabi-nabi tersebut hanyalah berperanan memimpin manusia kepada kebaikan semata-mata. Begitulah juga dengan nabi-nabi yang diutuskan selepas baginda.²⁹

Rentetan daripada kepercayaan bahawa syariat Nabi Musa adalah yang terakhir dan paling agung, Agama Yahudi mempercayai bahawa Taurat yang diturunkan kepada Nabi Musa adalah datang dari sisi Allah dan tidak mengalami sebarang bentuk perubahan dan penyelewengan. Hal ini bertentangan dengan Islam. Menurut kepercayaan Islam, rasul dan nabi yang terakhir adalah Nabi Muhammad s.a.w. Syariat al-Qu'ran pula merupakan syariat yang terakhir.

(iii) Kerasulan dan kenabian adalah hak istimewa bangsa Yahudi

Orang-orang Yahudi mempercayai bahawa semua rasul dan nabi diutuskan dari kalangan *Bani Israil*. Menurut dakwaan orang-orang Yahudi hak kenabian dan kerasulan hanyalah hak keistimewaan bangsa Yahudi semata-mata. Dakwaan mereka ini adalah rentetan daripada anggapan mereka bahawa mereka bangsa terpilih,³⁰ malah lebih jauh lagi mereka menganggap mereka sahaja bangsa manusia sedangkan bangsa lain adalah bangsa Ummi iaitu bukan manusia.

(iv) Rasul-rasul tidak berakhlak mulia

Agama Yahudi mempercayai bahawa rasul dan nabi bersifat dengan akhlak yang buruk dan keji. Agama Yahudi telah mengukir sejarah yang memalukan terhadap nabi-nabi besar yang diutuskan daripada kalangan mereka. Kehidupan rasul-rasul itu telah dihubungkan dengan sifat-sifat keji dan perbuatan-perbuatan yang tidak berakhlak. Mereka dikatakan melakukan zina, membunuh, mencuri, berbohong dan sebagainya. Lebih malang lagi apabila gambaran-gambaran keji itu turut disandarkan kepada sebilangan besar rasul dan nabi yang masyhur. Gambaran mereka tentang rasul-rasul diceritakan dengan terang dalam *Bible Perjanjian Lama*. Penulis hanya memetik gambaran terhadap beberapa rasul sahaja sebagai bukti antaranya:

- (a) Nabi Luth a.s.

"...Sesungguhnya ayah kita telah tua sedangkan tiada seorang lelaki di dunia yang boleh kita kahwini. Oleh itu marilah kita berikan arak kepada ayah agar

29 Imam Fakhruddin al-Razi, *op.cit.*, hlm. 17.

30 Abdul Hamid Jaudah al-Sahhar, Muhammad Rasulullah wallazina ma'ahu, Maktabah al-Misr, Kaherah, Jilid 16, t.t. hlm. 112.

dia tidak sedarkan diri. Setelah itu kita menidurinya supaya kita dapat meneruskan keturunan ayah. Pada malam itu kedua-dua anak perempuannya memberi Lut minum arak. Anak perempuannya yang tua kemudiannya meniduri ayahnya. Lut tidak menyedari perbuatan anaknya itu....”³¹

Keterangan di atas membuktikan tanpa ragu bahawa orang-orang Yahudi menuduh Nabi Luth a.s. sebagai manusia yang rendah budi pekerti hingga sanggup minum arak dan melakukan zina dengan anak perempuannya sendiri.

(b) Nabi Musa a.s. dan Nabi Harun a.s.

Yahudi menggambarkan bahawa Nabi Musa a.s. memerintahkan kaum Nabi Israil agar merampas emas perhiasan perempuan-perempuan Mesir atas wahyu Allah kepadanya. Kenyataan *Bible Perjanjian Lama* berbunyi begini, yang bermaksud:

“Sesungguhnya Aku, Allah telah memberikan nikmat kepada bangsa Israil di kalangan penduduk Mesir. Justeru itu, apabila kamu semua meninggalkan Mesir, janganlah keluar dengan tangan kosong. Hendaklah kamu semua ambil perbiasan-perbiasan emas dan perak serta pakaian wanita-wanita Mesir yang menjadi jiran mereka. Dan gunakanlah perbiasan-perbiasan tersebut untuk anak lelaki dan anak perempuan kamu. Maka Bani Israil mematuhi suruhan Nabi Musa. Mereka lantas merampas emas, perak dan perbiasan pakaian daripada orang-orang Mesir. Dan Tuhan mengurniakan nikmat kepada Bani Israil.”³²

Sementara itu Nabi Harun a.s. dikatakan telah mensyirikkan Allah kerana menyahut desakan kaum *Bani Israil* agar membuat patung anak lembu. Patung tersebut kemudiannya dijadikan Tuhan sembah mereka. Kisah ini diceritakan dalam *Bible Perjanjian Lama* seperti berikut, yang bermaksud:

“Apabila kaum Bani Israil mendapati Nabi Musa lambat turun dari bukit Tursina, mereka lantas berkumpul beramai-ramai di hadapan Nabi Harun a.s. Mereka berkata kepada Nabi Harun: ‘Bangunlah! Buatlah satu tuhan yang boleh berjalan di hadapan kami kerana kami tidak tahu apakah yang telah terjadi dan menimpa Nabi Musa. Maka Harun berkata kepada mereka, ‘Bawakan kepadaku semua barang-barang perbiasan yang dipakai oleh isteri-isteri dan anak-anak perempuan kamu. Mereka segera memenuhi permintaan Nabi Harun. Harun lantas menempa emas itu dan membentuknya menjadi patung seekor anak lembu. Bani Israil kemudiannya berkata, ‘Wahai Bani Israil! Inilah tuhan kamu semua yang telah mengeluarkan kamu dari Mesir’. Sebaik sahaja Harun melibat tindakan kaumnya, beliau segera membina tempat sembah di hadapan patung itu”’.³³

31 Genesis 19: 30-38.

32 Exodus 3: 21-22, 12: 35-36.

33 Exodus 32: 1-6.

(c) Nabi Sulaiman a.s.

Nabi Sulaiman a.s. putera kepada Nabi Daud. Baginda dilantik menjadi raja *Bani Israil* setelah kewafatan ayahandanya. Nabi Sulaiman turut menjadi sasaran tuduhan sehingga baginda dikatakan telah murtad pada tempoh akhir pemerintahannya malah telah membina rumah penyembahan berhala untuk isteri-isterinya. Kisah tersebut dinukil dalam *Bible Perjanjian Lama* seperti berikut, yang bermaksud:

"...Pada tabap-tabap akhir pemerintahan dan usia Sulaiman, hati baginda telah condong kepada penyembahan berhala kerana pengaruh dan pujukan isteri-isterinya. Pada usia begini tumpuan hati baginda tidak lagi sepenuhnya terhadap Tuhan jika dibandingkan dengan ayahandanya....".³⁴

Meskipun penulis tidak menyebut semua nabi dan rasul sebagaimana yang diketahui oleh kita, bagi penulis memadai dengan menceritakan kisah-kisah beberapa rasul dan nabi di atas untuk mengetahui sejauh manakah pandangan agama dan orang Yahudi tentang darjat dan martabat rasul.³⁵

Keterangan dan bukti di atas menyatakan dengan jelas bahawa agama Yahudi telah menggambarkan akhlak rasul-rasul sebagai buruk dan keji sepertimana yang termaktub dalam *Bible Perjanjian Lama*. Hal ini ternyata bertentangan dengan akal fikiran yang waras. Adalah tidak munasabah manusia yang diutuskan sebagai pemimpin kebenaran dan penyeru kepada kesejahteraan ummah bersifat dengan sifat-sifat sedemikian.

Analisis Menurut Islam

Agama Yahudi masa kini mempercayai bahawa Nabi Musa a.s. adalah nabi yang teragung dan membawa syariat yang terakhir. Hal ini dapat difahami daripada keterangan dalam *Bible Perjanjian Lama* serta pandangan sarjana Yahudi sendiri.

Dakwaan Yahudi ini boleh dipertikaikan kerana dalam *Bible Perjanjian Lama* sendiri wujud kenyataan yang menceritakan tentang berita kedatangan seorang nabi selepas Nabi Musa a.s. Kenyataan itu disampaikan melalui lisan Nabi Musa a.s. (yang bermaksud):

*"....Tuhan telah berkata kepadaku begini "Janganlah kamu semua mendengar kata-kata tukang ramal dan nujum. Sesungguhnya **Aku akan mengutus seorang nabi dari kalangan saudara kamu**. Nabi itu adalah sepertimu. Dia menyampaikan wahyu-Ku secara langsung dengan mulutnya kepada pengikutnya....".³⁶*

Keterangan di atas menunjukkan dengan jelas bahawa Nabi Musa a.s. memberitahu *Bani Israil* tentang kedatangan seorang nabi selepasnya. Timbul persoalan di sini, sekiranya syariat

34 I King 11:4 (Nabi Sulaiman juga dikatakan mencipta syair-syair yang tidak berakhlak, lihat Song of Songs 1: 6, 5: 8, 5: 9 dan 1: 13).

35 Tuduhan dan tohmahan turut dilemparkan kepada Nabi Nuh, Nabi Ishak, Nabi Yaakob, dan lain-lain (Lihat Genesis 9: 20-27, Genesis 21: 34)

36 Deuteronomy 18: 15-22 (Untuk keterangan yang lebih mendalam dan terperinci sila rujuk Safiah bt Abd Razak, *Konsep Kerasulan Menurut Agama Yahudi: Satu kajian khusus dalam Bible Perjanjian Lama dan pandangan Islam terhadapnya*, Akademi Pengajian Islam, Universiti Malaya, 1998)

Nabi Musa a.s. adalah yang terakhir mengapa Taurat menyebut berita kedatangan nabi yang dinantikan itu. Kata-kata Nabi Musa a.s. itu tidak lain hanya untuk membuktikan bahawa syariatnya bukanlah syariat yang terakhir. Syariat yang terakhir hakikatnya akan dibawa oleh nabi yang dinantikan itu iaitu Nabi Muhammad s.a.w. nabi akhir zaman.

Menurut kepercayaan Islam, Nabi Muhammad s.a.w. adalah nabi dan rasul yang terakhir. Baginda merupakan penutup segala nabi. Islam mempercayai kerasulan Nabi Musa a.s. dan meletakkannya dalam golongan nabi-nabi yang bergelar *Ulul Azmi* iaitu nabi-nabi yang paling banyak menghadapi cubaan dan halangan semasa menjalankan dakwah kepada Allah. Meskipun demikian beliau bukanlah nabi yang terbesar serta membawa syariat yang terakhir. Syariat yang terakhir hakikatnya dibawa oleh nabi Islam, Nabi Muhammad s.a.w.

Nabi Muhammad s.a.w. sebagai nabi dan rasul yang terakhir serta penutup segala nabi dijelaskan dalam al-Qur'an, maksud ayat:

"Bukanlah Nabi Muhammad itu (dengan sebab anak angkatnya) menjadi bapa yang sebenar kepada seseorang lelaki kamu, tetapi dia adalah Rasulullah dan penutup segala nabi-nabi)".

(Surah al-Ahzab: 40)

Sarjana-sarjana Islam turut menolak dakwaan Yahudi yang menganggap Nabi Musa a.s. sebagai nabi dan rasul terakhir. Mereka secara tegas mengatakan bahawa Nabi Muhammad s.a.w. adalah nabi dan rasul yang terakhir.

Menurut sarjana Islam ketika mentafsirkan *Bible Perjanjian Lama*, ayat (sepertimu) menerangkan bahawa nabi yang dinantikan itu mempunyai beberapa persamaan dengan Nabi Musa a.s. Dengan yang demikian, jelaslah bahawa nabi itu ialah Nabi Muhammad s.a.w. kerana antara kedua-dua nabi itu wujud persamaan-persamaan seperti yang akan diterangkan di bawah:

- (a) Nabi Musa a.s. dilahirkan daripada keturunan keluarga yang menguruskan hal-hal keagamaan iaitu dari keturunan *Bani Lewi* sepertimana yang disebut dalam *Deuteronomy* 10: 8. Demikian juga Nabi Muhammad s.a.w. Baginda dilahirkan daripada keluarga yang menguruskan hal-hal keagamaan. Keturunannya, *Bani Abdul Manaf* berperanan memegang jawatan *Rifadah* dan *Siqayah* iaitu tugas menguruskan urusan makanan dan minuman bagi para jemaah haji di Makkah.³⁷
- (b) Nabi Musa bekerja sebagai pengembala kambing sebelum menjadi rasul. Begitu juga Nabi Muhammad s.a.w. yang mengembala kambing bapa saudaranya, Abu Talib sebelum baginda dilantik sebagai rasul.
- (c) Nabi Musa a.s. berkahwin sebelum dilantik sebagai nabi dan mempunyai anak sepertimana yang diceritakan dalam Exodus. Begitu juga Nabi Muhammad s.a.w. yang telah berkahwin dengan Khadijah sebelum kerasulannya serta mendapat beberapa orang cahayamata daripadanya.

37 Ahmad Abdul Wahab, *Al-Nubuwwah wa al-Anbiya' fi al-Yahudiyyah wa al-Nasraniyyah wa al-Islam*, cet. 1, Maktabah Wahbah, Qaherah, 1979, hlm. 122-124.

- (d) Kedua-duanya berkahwin lebih daripada satu selepas dilantik menjadi nabi.
- (e) Nabi Musa a.s. masyhur sebagai seorang yang berani dan sering memimpin Bani Israil dalam peperangan. *Bani Israil* akan mendapat kemenangan dalam peperangan apabila mematuhi arahan Nabi Musa a.s. Begitulah sebaliknya mereka akan mengalami kekalahan apabila mengalami apabila mengingkari arahan Nabi Musa a.s., sepertimana yang diceritakan dalam *Deuteronomy* 1: 41-43. Begitulah juga kisah Nabi Muhammad s.a.w. Baginda juga merupakan seorang pahlawan perang yang beani dan selalu berada di barisan hadapan dalam peperangan. Kaum muslimin turut mengalami kekalahan apabila mereka tidak mematuhi arahan Nabi Muhammad dalam peperangan di Bukit Uhud.
- (f) Nabi Musa a.s. menerima kitab agama iaitu kitab Taurat daripada Allah, begitu juga Nabi Muhammad s.a.w. yang menerima kitab al-Qur'an daripada Allah.
- (g) Nabi Musa a.s. menerima risalah Allah ketika berusia lapan puluh tahun sebagaimana disebut dalam *Exodus* 7: 7.
- (h) Beliau kemudiannya wafat ketika berusia dua puluh tahun. Demikian juga Nabi Muhammad s.a.w. yang dilantik menjadi rasul ketika berumur empat puluh tahun dan wafat ketika berumur enam puluh tiga tahun. Kedua-duanya menjalankan dakwah lebih kurang satu pertiga daripada usia mereka.
- (i) Akhirnya, kedua-duanya wafat secara biasa. Dengan kata lain mereka bukan meninggal dunia kerana dibunuh atau disiksa. Mereka wafat di pangkuan keluarga dan sahabat handai.³⁸

Menurut Dr. Hasbullah, persamaan-persamaan yang dikemukakan di atas membuktikan dengan jelas bahawa Nabi Muhammad s.a.w. adalah nabi yang dinantikan. Baginda juga merupakan penutup segala nabi.

Berita kedatangan Nabi Muhammad bukan sahaja dijelaskan oleh dalil al-Qur'an, hadith dan pandangan sarjana-sarjana. Malahan turut diceritakan oleh kitab-kitab agama yang lain seperti *Bible Perjanjian Baru*, *Bible Bernaba*, Kitab Suci Agama Buddha, Kitab Suci Agama Hindu dan Kitab Suci Agama Parsi mengukuhkan lagi bukti bahawa Nabi Muhammad s.a.w. adalah rasul dan nabi yang terakhir yang diutuskan untuk seluruh manusia bukannya Nabi Musa a.s. sebagaimana yang dipercayai oleh penganut-penganut agama Yahudi.³⁹

Berdasarkan huraian dan penjelasan yang dikemukakan di atas jelaslah kepada kita bahawa dakwaan Yahudi bahawa Nabi Musa adalah nabi yang terakhir dan membawa syariat terakhir adalah tidak benar. Nabi yang terbesar dan terkahir sebenarnya adalah Nabi Muhammad s.a.w.

Allah menurunkan kita Kitab al-Qur'an adalah sebagai penguji (*mubaimin*) bagi kita untuk menjelaskan bahawa Taurat telah diubah dan diselewengkan daripada ajaran sebenarnya. Allah berfirman maksudnya:

“Dan Kami turunkan kepadamu (wahai Muhammad) Kitab (al-Qur'an) dengan membawa kebenaran, untuk mengesahkan benarnya kitab suci yang

³⁸ *Ibid.*

³⁹ Lihat Ali Akbar, *Israel and The Prophecies of The Holy Qur'an*, set. 5, Seraj Publications, Cardiff, England, 1971, hlm. 6-8.

ada di badapannya dan untuk memelihara serta mengawasinya. Oleh itu janganlah bukom antara mereka (Abli Kitab) itu dengan apa yang diturunkan oleh Allah....”

(Surah al-Ma'idah: 48)

Berdasarkan keterangan di atas, jelaslah kepada kita bahawa syariat yang dibawa oleh Nabi Muhammad s.a.w. iaitu syariat al-Qur'an kerana sifatnya sebagai sebuah kitab suci yang terpelihara dan tidak berubah.

Agama Yahudi selanjutnya mempercayai bahawa rasul-rasul adalah berakhlak buruk dan keji. Keterangan kitab *Perjanjian Lama* sebelum ini membuktikan hal tersebut. Mereka dikatakan membunuh, melakukan zina, mencuri, menipu dan pelbagai lagi perbuatan mungkar.

Rasul-rasul yang diutuskan dari kalangan Bani Israil sebenarnya diutuskan untuk menuntun mereka ke arah cara hidup yang murni dan berakhlak. Ini terbukti kerana di dalam *Bible Perjanjian Lama* masih mengandungi ajaran-ajaran yang menyeru kepada akhlak mulia. *Exodus* dan *Deuteronomy* misalnya ada menyatakan antaranya:

- Akulah Allah, Tuhanmu yang telah mengeluarkan kamu daripada Mesir, tempat perhambaan itu. Oleh itu, janganlah kamu menyembah selain Aku.
- Janganlah kamu menyebut nama Allah dengan sia-sia kerana Allah maha suci daripadanya.
- Janganlah kamu membunuh.
- Janganlah kamu berzina.
- Janganlah kamu mencuri.
- Janganlah kamu menyatakan kesaksian dusta sesama manusia.
- Janganlah mengingini rumah saudaramu, isteri saudaramu atau hamba lelaki dan perempuan saudaramu atau apa-apa saja.⁴⁰

Begitu juga keterangan-keterangan berikut, yang bermaksud:

“Apabila seseorang didapati tidur dengan perempuan yang sudah bersuami, maka haruslah kedua-duanya dijatuhkan hukuman mati. Demikianlah harus dihapuskan orang-orang yang jahat dari kalangan Bani Israil”⁴¹

Keterangan-keterangan di atas menjelaskan bahawa Allah melarang Bani Israil melalui lisan Nabi Musa a.s. mensyirikkan Allah, membunuh, melakukan zina, mencuri, merampas hak orang lain, membuat persaksian dusta dan perbuatan keji lainnya. Dengan ini dapat dirumuskan bahawa ajaran asal agama Yahudi turut menyeru kepada kemuliaan akhlak dan budi pekerti yang baik. Dengan perkataan lain, sifat-sifat keji bukanlah ajaran sebenar agama Yahudi.

Sehubungan dengan ini, tuduhan-tuduhan terhadap para nabi dan rasul yang terkandung dalam kitab suci agama Yahudi dan kemudiannya dipercayai oleh semua penganut agama Yahudi bukanlah ajaran asal agama Yahudi sebagaimana yang telah diturunkan kepada Nabi Musa a.s.

⁴⁰ Deuteronomy 5: 6-21.

⁴¹ Deuteronomy 22: 22.

Islam merupakan agama *Samawi* yang suci dan terpelihara. Ia merupakan satu syariat yang menyeluruh dan diturunkan sebagai rahmat bagi seluruh manusia. Akhlak yang mulia dan terpuji merupakan intipati ajarannya.

Sehubungan dengan ini, Islam mempercayai bahawa para rasul dan nabi terpelihara daripada melakukan dosa dan kesalahan. Mereka bersifat dengan sifat maksum.⁴²

Keterangan al-Qur'an jelas membuktikan semua nabi dan rasul sebagai berakhlak mulia dan terpuji. Gambaran yang dibawa oleh al-Qur'an ternyata amat jauh bezanya dengan gambaran kitab suci agama Yahudi. Al-Qur'an menyifatkan rasul-rasul sebagai orang-orang yang soleh sepertimana firman Allah yang bermaksud:

"Dan Kami kurniakan kepadanya Ishak (anaknya) dan Yaakub (cucunya) sebagai tambahan; dan tiap-tiap seorang (daripada mereka) kami jadikan orang-orang yang soleh".

(Surah al-Anbiya': 72)

Dan firman-Nya lagi, mafhumnya:

"Dan (dari keturunannya ialah nabi-nabi) Zakaria, dan Yahya dan Isa dan Ilyas; semuanya dari orang-orang yang soleh".

(Surah al-An'am: 85)

Mereka juga digambarkan sebagai orang-orang yang terpilih dan dilebihkan daripada manusia sezamannya seperti firman Allah yang maksudnya:

"Dan (ingatlah peristiwa) Nabi Ismail, dan Nabi Ilyasa' serta Nabi Zulkifli; dan mereka masing-masing adalah orang pilihan yang sebaik-baiknya. Segala sifat mulia itu adalah menjadi sebutan penghormatan bagi mereka".

(Surah Sad: 48 & 49)

Ayat-ayat al-Qur'an di atas menjelaskan betapa tingginya pujian dan penghormatan Allah kepada para rasul. Rasul-rasul digambarkan sebagai bersifat soleh, *siddiq*, amanah dan terpilih di samping sifat-sifat mulia yang lain seperti sentiasa bersyukur dengan nikmat Allah, sabar, ikhlas dan sebagainya.⁴³ Inilah sebenarnya sifat-sifat seorang rasul, pemimpin, penyeru kepada kebenaran.

Sarjana Islam Syekh Rahmatullah al-Hindi menyatakan pendirian Islam dengan lebih tegas berhubung tuduhan orang Yahudi terhadap para nabi. Menurut beliau kisah-kisah yang mencerca dan menohmah para nabi sama ada dari sudut akidah, ibadah, akhlak dan muamalah wajib diingkari oleh setiap muslim. Mereka wajib mempercayai bahawa tuduhan-tuduhan tersebut adalah tidak benar. Mereka seterusnya hendaklah menyakini dengan sebenar-benar keyakinan bahawa para rasul terpelihara daripada perbuatan keji dan maksiat.⁴⁴

42 Muhammad Ali Sabuni, *Al-Nubuwwah wa al-Anbiya'*, cet. 2, Dar al-Hadith, Qaherah, 1984, hlm. 45.

43 (Terdapat banyak lagi ayat yang menceritakan ketinggian akhlak dan peribadi rasul (Lihat Al-Qur'an; Surah al-An'am 8: 84, Surah Sad 23: 45-46, Surah al-Anbiya' 17: 73, Surah Maryam 16: 49, Surah al-Anbiya 17: 85-86, Surah al-Naml)

44 Syekh Rahmatullah al-Hindi, *Izhar al-Haq*, Jilid 1, Dar al-Turath al-'Arabi, t.t. Kaherah, hlm. 13.

Berdasarkan keterangan dan huraian di atas dapatlah dirumuskan bahawa Islam sebagai agama yang sempurna, suci dan terpelihara menolak semua tuduhan yang dinisbahkan terhadap rasul-rasul. Menurut pandangan Islam, rasul-rasul adalah maksum, terpelihara daripada melakukan perbuatan-perbuatan yang keji yang berlawanan dengan matlamat perutusan mereka iaitu sebagai contoh teladan kepada manusia. Islam menegaskan bahawa semua tuduhan tersebut adalah tidak benar, tidak berasas malah tidak dapat diterima oleh akal yang sihat dan waras.

Sehubungan dengan ini, jelaslah bahawa akidah Yahudi tentang akhlak rasul-rasul ini adalah satu akidah yang batil. Kepercayaan itu wujud adalah hasil sikap dan perbuatan sebahagian orang Yahudi yang tidak beriman, jahil ataupun mementingkan hawa nafsunya.

Keburukan sifat Yahudi yang tidak bertanggungjawab ini semakin jelas dan ketara sekiranya dikaji dan diteliti kandungan Kitab Talmud dan Protokol-protokol Pemimpin Yahudi. Ajaran-ajaran di dalam kitab tersebut yang turut dianggap sebagai sumber agama Yahudi kini begitu hina dan menjijikkan. Ia dipenuhi dengan unsur-unsur permusuhan, dendam, kemusnahan dan kehancuran nilai-nilai dan akhlak yang murni.⁴⁵ Ini menjelaskan kepada kita bahawa golongan Yahudi sanggup melakukan apa sahaja demi kepentingan duniawi mereka.

Islam turut mempercayai bahawa Allah telah mengutus ramai nabi dan rasul sepanjang sejarah manusia bermula daripada Nabi Adam a.s. sehingga kepada Nabi Muhammad s.a.w. untuk menyeru manusia kepada cahaya petunjuk mengeluarkan mereka daripada kegelapan. Allah telah mengutus rasul-rasul kepada semua bangsa manusia tidak kepada bangsa tertentu sahaja. Hal ini dijelaskan oleh Allah dalam firman-Nya yang bermaksud:

"Dan sesungguhnya kami telah mengutus dalam kalangan tiap-tiap umat seorang rasul (dengan memerintahkan dia menyeru mereka), "Hendaklah kamu menyembah Allah dan jaubilah taghut".

(Surah al-Nahl: 36)

Dalam ayat yang lain Allah s.w.t. berfirman mafhumnya:

"...Dan tidak ada sesuatu umat pun melainkan telah ada dalam kalangan mereka dahulu seorang rasul pemberi ingatan dan amaran".

(Surah Fatir: 24)

Sekiranya mereka benar-benar jujur dan menyokong kebenaran, mengapa mereka menolak kerasulan Nabi Isa, putera Maryam sedangkan Nabi Isa a.s. berasal dari kalangan *Bani Israil*. Kerasulan Nabi Isa a.s. tidak diterima oleh mereka hanyalah kerana kedatangannya mengecewakan orang-orang Yahudi. Orang-orang Yahudi menaruh harapan agar Nabi Isa a.s. akan mengembalikan kekuasaan dan kemewahan hidup kepada mereka, namun sebaliknya baginda Nabi Isa a.s. menyeru ke arah kesederhanaan dan nilai-nilai hidup yang mulia. Ajaran Nabi Isa ternyata bertentangan dengan kehendak mereka yang cintakan kemewahan hidup.

Berdasarkan keterangan dan dalil di atas, dapatlah difahami bahawa Islam mempercayai bahawa rasul-rasul diutuskan kepada semua bangsa dan umat. Perutusan mereka tidak terbatas

45 Abbas Mahmud al-'Iqad, *Brotokolaat Hukama' Sahyun al-Khatr al-Yahudi*, Muassasah Dar al-Ulum, Kaherah, 1977, hlm. 56.

kepada satu-satu bangsa yang tertentu sahaja. Di samping itu, Islam menyeru umatnya agar beriman kepada semua rasul tanpa membeza-bezakannya. Mereka tidak boleh hanya beriman dengan sebahagian rasul dan mengingkari yang lain.⁴⁶

Kesimpulan

Daripada perbincangan dan huraian di atas, dapat disimpulkan bahwa persoalan tentang keimanan terhadap kerasulan atau kenabian turut menjadi asas utama agama Yahudi. Mereka mempercayai bahawa Nabi Musa a.s. adalah nabi yang teragung yang membawa syariat yang terakhir, rasul-rasul berakhlak buruk dan melakukan perbuatan yang keji malah mendakwa bahawa kerasulan hanyalah milik istimewa bangsa Yahudi. Pegangan dan akidah ini terbukti amat bertentangan dengan Islam. Para rasul adalah diutuskan untuk menjunjung kebenaran dan kemuliaan akhlak sesuai dengan perutusan mereka. Islam menafikan sekeras-kerasnya tuduhan dan anggapan mereka itu.

Islam juga menolak dakwaan Yahudi yang mengatakan bahawa kerasulan adalah milik istimewa bangsa Yahudi. Menurut pandangan Islam, rasul-rasul diutuskan kepada semua bangsa. Ia tidak terbatas kepada bangsa Yahudi semata-mata walaupun terbukti ramai rasul diutus daripada kalangan bangsa Yahudi atau Bani Israil.

Daripada huraian dan keterangan yang dibahaskan di atas, dapatlah disimpulkan bahawa pandangan Yahudi dan Islam berhubung kerasulan amat jauh bezanya. Kepercayaan Yahudi tentang kerasulan ternyata suatu kepercayaan yang *batil* dan tidak sah. Ini sekaligus menggambarkan bahawa agama Yahudi tidak sesuai dijadikan sebagai panduan dan jalan hidup.

Kepercayaan Islam tentang kerasulan jelas dan bersesuaian dengan akal fikiran yang waras. Ini menunjukkan Islam adalah sebaik-baik agama dan anutan untuk seluruh manusia demi mencapai kesejahteraan hidup di dunia dan di akhirat.

46 Lihat al-Quran: Surah al-Baqarah: ayat 36.

BIBLIOGRAFI

- 1 *Al-Quran al-Karim*.
- 2 *Tafsir al-Quran Pimpinan al-Rahman*. (1997). BAHEIS, Kuala Lumpur: Jabatan Perdana Menteri.
- 3 Al-Hindi, Rahmatullah (al-Syeikh), (t.t.). *Izhar al-Haq*, Kaherah: Dar al-Turath al-'Arabi.
- 4 Al-Razi, Fakhruddin (al-Imam), (t.t.). *al-Nubuwwat wa ma Yataallaqu biha*, Tahqiq oleh Dr. Ahmad Hijazi al-Saga. Beirut: Dar al-Muyassarrah.
- 5 Al-Sahhar, Abdul Hamid Jaudah, (t.t.). *Muhammad Rasulullah wallazina ma'ahu*. Kaherah: Maktabah al-Misr.
- 6 Al-'Iqad, Abbas Mahmud, (1977), *Brotokolaat Hukama' Sahyun al-Khatr al-Yahudi*, Kaherah: Muassasah Dar al-Ulum.
- 7 Al-'Iqad, Abbas Mahmud, (t.t.), *Abqariyah al-Masih fi al-Tarikh wa al-Kusyuf al-'Asr al-Hadith*, Beirut: Maktabah al-'Asriyyah.
- 8 Syalabi, Rauf (Dr.). (1983). *al-Adyan al-Qadimah fi al-Syarq*, Kaherah: Dar al-Syuruq.
- 9 Hasting, James, (1918). *The Encyclopedia of Religion and Ethics*, New York: T & T Clarks, Edinburgh.
- 10 Reda, Muhammad Rasyid, (Sayyid Syeikh), (1933). *al-Wahyu al-Muhammady*, Kaherah: Matba'ah al-Zahra' lil A'lam al-'Arabi.
- 11 Eliade, Mircea, (1987). *The Encyclopedia of Religion*, New York: McMillon Publishing Company.
- 12 Abdul Wahab, Ahmad, *al-Nubuwwah wa al-Anbiya' fi al-Yahudiyyah wa al-Nasraniyyah wa al-Islam*, Kaherah: Maktabah Wahbah.
- 13 _____ USA. International Bible Society. (1973). *The Holy Bible International Version, Containing The Old Testament and The New Testament* New Jersey: East Brunswick.
- 14 _____ (1993). *al-Kitab*, Jakarta: Lembaga al-Kitab, (Diterjemahkan daripada bahasa asalnya iaitu bahasa Hebrew).